



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 40. Altera Jesuitarum contentio cum Rhemensi Archiepiscopo.

---

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

tum postulare; nos seduxisset Aposto- Sæc. XVII  
 lus scribendo: qui Episcopatum desi- A. C. 1697  
 derat, bonum opus desiderat.,,

X. „Qui Majorum, & Nobiliorum  
 Ecclesiarum suggesta, seu pulpita am-  
 biunt, & postulant, ut nominis Cla-  
 ricitatem consequantur, sicque viam  
 sibi parent ad Episcopatum, Prædi-  
 catione abutuntur, & Ministerium  
 Evangelii profanant.,,

Quoniam vero P. Buffierus hanc  
 formulam signare recusaret, Regio e-  
 dicto in exilium amandatus est, Ar-  
 chiepiscopus vero contra Buffieri er-  
 rores epistolam Pastoralem publici ju-  
 ris fecit, in qua ostendit, ex certio-  
 ribus moralis Doctrinæ præceptis in-  
 ferri, quod opinio probabilior, ac tu-  
 tior minus probabili, minusque tutæ  
 sit præferenda, omnisque homo Deum  
 habitualiter amare teneretur, nec Pec-  
 cator sine amore initiali possit justifi-  
 cari, nec cogitatio de malo contra le-  
 gem naturæ requiratur, ut quis peccet.

§. XL.

*Altera Jesuitarum contentio cum Rhe-  
 mensi Archiepiscopo.*

Non minus grave negotium Jesuitis *Mém. Chron.  
 & Dogm.  
 Binner l. 6.*  
 facessiverat Caroli Mauriti Telleri  
 Rhemensis Archiepiscopi censura in eo-

D d 2

rum

Sæc. XVII. rum doctrinas pronuntiata; Occasionem  
A. C. 1697. præbuit disputatio Rhemis in Societatis Collegio ad diem decimam quintam & decimam septimam Mensis Decembris anno priori decreta, in qua pro defensione doctrinæ a Ludovico Molina excogitatæ, inter alias theses propugnabant. I. *Scientiam mediam vehementer accusatam, sed puram & absolutam ex judicio fuisse egressam, tamque parum eam esse Pelagianam, quam Calvinisticam, II. juxta doctrinam S. Augustini prædestinationem prorsus esse gratuitam.* Ea erat tum temporis vicissitudo, ut Molinistici systematis laus nimis intempestiva, & non paucis admodum invisæ esset; quapropter plurimum querelæ desuper ad Carolum Mauritium Tellierum Rhemensem Archiepiscopum deferebantur. Hic ergo, ut graviores motus præverteret, utramque thesin confixit, edito decreto admodum prolixo in publicis Sorbonæ comitiis divulgato, ac Romam, in Belgium, necnon ad omnes Regni Episcopos ac urbes transmissio: in eo Archiepiscopus Thomistarum doctrinam amplissimis e-logiis celebrans, illam a Jansenii opinionibus toto cælo distare comprobabat, Jesuitarum vero doctrinam velut novam, periculosam, suspectam atque erroneam esse ostendens, in expositis  
 dua-

duabus thesibus carpebat, quod Mo-  
 linæ doctrina de gratia extolleretur su-  
 pra S. Augustinum, & dogma de præ-  
 destinatione ad simplicem scholæ opi-  
 nionem reduceretur, nec additum fuisset,  
 sententiam de prædestinatione gratuita  
 esse dogma fidei. Hac Præfulis  
 censura Rhemenses Jesuitæ pupillam  
 oculi læsam arbitrati, Patri Gabrieli  
 Daniel negotium dedere, ut Archiepi-  
 scopi edictum refelleret: quamprimum  
 P. Daniel scriptum suum, quod ad ipsum  
 Archiepiscopum direxit, in vulgus  
 sparserat, mox alii inde audaciores  
 facti, hunc Præfulem, quem in Aula  
 minus valere noverant, dicteriis, libel-  
 lis famosis, cantilenis, satyrisque ma-  
 lignis indignum in modum passim ap-  
 petebant, alii hujus Præfulis vitam sub  
 titulo: *Vita sancti Mauriti Rhemensis Epi-  
 scopi* mordaci calamo ediderunt, &  
 Parisiis venum exposuere, ludicrasque  
 epistolas, quas *Maurolicas* appellabant,  
 in vulgus sparsere; ac sexcentis otiosæ  
 loquacitatis & infrunitæ pennæ nuga-  
 mentis tanti Præfulis famam læserunt.  
 Hic vero Jesuitæ apologiam refellere  
 statuerat; cum autem calamum suum  
 adversariis exosum nossent, ac pejora  
 prioribus pertimesceret, quibusdam Sor-  
 bonæ Doctoribus negotium dedit, ut  
 Jesuiticam confutarent apologiam. At-

Sæc. XVII.  
 A. C. 1697.

Sæc. XVII. tamen hi adeo lente laborem hunc fu-  
A. C. 1697. scepere, ut Archiepiscopus potentius  
 remedium quærere cogeretur: Igitur  
 ipsum Franciæ Regem accessit, expo-  
 nens, quod Jesuitæ publico suo scripto  
 insultare ausi, palam contra procedendi  
 ordinem deliquissent; prius enim Ca-  
 nonicas vias inire, & si se immerito  
 gravatos crederent, ad Archiepisco-  
 pum querelam deferre, & justitiam  
 repetere debuissent, priusquam adver-  
 sus Præsulem suum per apologiam ubi-  
 que disseminatam, ad publicum provoca-  
 rent, ac veluti æris campani sonitu Cle-  
 rum & populum contra Archiepisco-  
 pum ad arma cierent: Rex itaque  
 hanc causam primum quatuor Præsu-  
 libus, dein Parlamento discutiendam  
 commisit: Verum Jesuitæ duriora veriti,  
 Archiepiscopum placare decrevere, ac  
 propterea ultra sese offerebant, quod  
 eum humiliter accedere, commissique  
 erroris veniam petere velint, conte-  
 stantes, quod divulgata hac apologia  
 Præsuli molestiam inferendi animum  
 non habuissent. Hanc conditionem Ar-  
 chiepiscopus gratanter acceptavit, ab  
 eis postulans, ut ejus edictum, the-  
 siumque damnationem debita reveren-  
 tia reciperent, apologiam revocarent,  
 illiusque Auctores pro merito culpæ  
 punirent. Unde Rex per Harlæum Re-  
 gis

gis Advocatum Jesuitis præcepit, ut Collegii Superiores Præsulem adirent, magna animi demissione supplicantes, quatenus sua eos benevolentia denuo honoraret, simul vero incurse indignationis dolorem professi, testarentur, ingratum sibi esse, quod inconsulto fervore scriptum suum sine Archiepiscopi venia atque Authoris nomine publici juris fecissent, ac propterea ejus gratia excidissent, se vero curaturos, ne deinceps suis deessent officiis: Huic Regis mandato paruerunt Jesuitæ, hacque submissione animi utrinque reconciliati credebantur, paulopost tamen novi suscitabantur motus, dum a Jesuitis, ut creditum est, vulgabatur liber sub hoc titulo: *Historia causse ab Archiepiscopo Rhemensi contra Jesuitas evictæ.*

Sæc. XVII.  
A. C. 1697.

## §. XLI.

*Pax Ryswicensis inter Franciæ Regem, & Imperii fœderatos.*

Eodem tempore, quo Franciæ Rex conciliandæ pacis studium præferre videbatur, die decima Augusti Barcinonam Cataloniæ caput, & die tertia Maij Cartagenam in Americano littore, necnon Atham in Belgio die sexta Junii post longas cruentasque

*Art. de la  
paix de  
Ryswick  
t. 2. p. 122.  
Limiers t. 2.  
pag. 652.*